



ԱՀ Կրթության, գիտության, մշակույթի և սպորտի նախարարություն



Հ Ո Ւ Շ Ա Գ Ի Ր

համագործակցության մասին

Բ. Ստեփանակերտ

« » հունվարի 2022թ.

ԱՀ Մարդու Իրավունքների Պաշտպանի աշխատակազմը (այսուհետ՝ ՄԻՊ աշխատակազմ)՝ ի դեմս Մարդու Իրավունքների Պաշտպան Գեղամ Ստեփանյանի (այսուհետ՝ Պաշտպան), «Ճամարտության և Արդարության Կենտրոն» կազմակերպությունը (այսուհետ՝ ՃԱԿ)՝ ի դեմս ՃԱԿ խորհրդի նախագահ Գոռ Մնացականյանի, Արցախի Հանրապետության Կրթության, Գիտության, Մշակույթի և Սպորտի նախարարությունը (այսուհետ՝ ԿԳՄՍ)՝ ի դեմս ԿԳՄՍ նախարար Լուսինե Ղարախանյանի, Արցախի Պետական Համալսարանը (այսուհետ՝ ԱրՊՀ)՝ ի դեմս ռեկտոր Արմեն Սարգսյանի (այսուհետ միասին՝ Կողմեր), կնքեցին սույն Հուշագիրը հետևյալի մասին.

1. ԱՌԱՐԿԱՆ

1.1. Սույն հուշագրով Կողմերը նախատեսում են համագործակցել 2020 թվականի աշնանը Արցախի խաղաղ բնակչության դեմ սանձազերծված ադրբեջանական ագրեսիայի ընթացքում և դրա հետևանքով տուժած անձանց իրավունքների խախտումները, ինչպես նաև Ադրբեջանի կողմից հայկական հոգևոր-մշակութային հուշարձանների նկատմամբ վանդալիզմի դեպքերը հավաքագրելու, փաստագրելու և պահպանելու նպատակով փաստահավաք աշխատանքներ իրականացնելու շուրջ:

1.2. Համագործակցությունը ներառում է Արցախում գործող փաստահավաք խմբին, որի մասնակիցները ՃԱԿ-ի կողմից միջազգային իրավական չափանիշներին համապատասխան դասընթացներ և վերապատրաստումներ անցնելուց հետո իրականացնում են հարցազրույցներ տուժած անձանց հետ: Ձևոք բերված տվյալները կրում են գաղտնի բնույթ և ենթակա են հրապարակման միայն վկայի համաձայնության դեպքում:

1.3. Համագործակցության նպատակն է ստեղծել մարդկության դեմ հանցագործությունների կենդանի հուշարձան:

2. ԿՈՂՄԵՐԻ ՊԱՐՏԱՎՈՐՈՒԹՅՈՒՆՆԵՐԸ

2.1. ՄԻՊ աշխատակազմը պարտավորվում է՝

2.1.1. Տրամադրել անհրաժեշտ խորհրդատվություններ և ապահովել անհրաժեշտ մեխանիզմներ փաստահավաք աշխատանքների իրականացման համար:

2.1.2. Փաստահավաք խմբի անդամներին տրամադրել 2020 թվականի սեպտեմբերի 27-ից մեկնարկած ԱՀ ՄԻՊ փաստահավաք առաքելության ընթացքում հավաքագրված տեղեկություններն ու տվյալները:

2.1.3. Աջակցել փաստահավաք խմբի բնականոն գործունեությանը՝ անհրաժեշտության դեպքում միջնորդ հանդիսանալ խմբի և Արցախի Հանրապետության պետական և տեղական ինքնակառավարման մարմինների միջև:

2.2. ՃԱԿ-ը պարտավորվում է՝

2.2.1. Կատարել փաստահավաք խմբի անդամների ընտրություն՝ հարցազրույցների միջոցով: Ձևավորվել աշխատանքային խմբեր և նշանակել թիմերի ղեկավարներին:

2.2.2. Իրականացնել միջազգային իրավական չափանիշներին համապատասխան դասընթացներ և վերապատրաստումներ:

2.2.3. Տրամադրել փաստահավաք աշխատանքների համար անհրաժեշտ նյութական միջոցները:

2.2.4. Պահպանել ձեռք բերված հարցազրույցների, փաստերի և տվյալների գաղտնիությունը:

3.1. ԱրՊՀ-ն պարտավորվում է՝

3.1.1. Իրազեկման աշխատանքներ տանել համալսարանի իրավագիտության բաժնի ուսանողների օրջանում իրականացվող ծրագրի մասին:

3.1.2. Ընդգրկել ԱրՊՀ իրավագիտության բաժնի ուսանողներին իրականացվող փաստահավաք աշխատանքներին:

3.1.3. Տրամադրել անհրաժեշտ աշխատանքային տարածք և ապահովել տեխնիկական միջոցներ վերապատրաստումների և դասընթացների անցկացման համար:

3.1.4. Որպես վերապատրաստման դասընթացներ, ուսանողներին տրամադրել որոշակի ակադեմիական ժամ և կամ այլ խրախուսական ճանաչում՝ հաշվի առնելով նրանց մասնակցությունը ՃԱԿ-ի

միջազգային իրավական չափանիւշերի դաւընթացներին և վերապատրաստումներ անցնելուց հետո պահանջվող հարցազրույցները բավարար կերպով ավարտելը:

4.1. ԿԳՄՍ-ն պարտավորվում է՝

4.1.1. Նախարարության իրավասությունների շրջանակներում օժանդակել իրականացվող փաստահավաք աշխատանքներին:

3. ՀՈՒՇԱԳՐԻ ՈՒԺԻ ՄԵՋ ՄՏՆԵԼԸ ԵՎ ԳՈՐԾՈՂՈՒԹՅԱՆ ԺԱՄԿԵՏԸ

3.1. Սույն Հուշագիրն ուժի մեջ է մտնում ստորագրման պահից և գործում է 2 (երկու) տարի ժամկետով:

3.2. Սույն հուշագրի գործողության ժամկետի ավարտից ոչ ուշ, քան մեկ ամիս առաջ Կողմերը պայմանավորվում են ֆինանսիել դրա գործողության արդյունքները, և փոխադարձ համաձայնության գալու դեպքում կնքել նույն առարկային ուղղված նոր հուշագիր:


3.3. Սույն Հուշագրի գործողությունը կարող է դադարեցվել կողմերի փոխադարձ համաձայնությամբ կամ նրանցից մեկի նախաձեռնությամբ: Այն դեպքում, երբ կողմերից մեկը միակողմանիորեն որոշի դադարեցնել այս Հուշագիրը, Հուշագիրը ուժի մեջ կմնա մնացած կողմերի համար:

4. ԱՅԼ ԴՐՈՒՅԹՆԵՐ


4.1. Կողմերի միջև փոխադարձ համաձայնությամբ սույն Հուշագրում կարող են կատարվել փոփոխություններ և լրացումներ, որոնք կամրագրվեն առանձին արձանագրությամբ: Արձանագրությունն ուժի մեջ կմտնի ստորագրման պահից և կհանդիսանա սույն Հուշագրի բաղկացուցիչ մասը:

4.2. Սույն հուշագիրը կնքված է հայերենով, հավասար իրավաբանական ուժ ունեցող չորս օրինակից: Յուրաքանչյուր Կողմին տրվում է մեկական օրինակ:


Արցախի Հանրապետության Մարդու իրավունքների
պաշտպանի աշխատակազմ
Պաշտպան՝ Գեղամ Ստեփանյան

Ստորագրություն 

«Ճեմարտության և Արդարության Կենտրոն»
կազմակերպություն
Նախագահ՝ Գոռ Մնացականյան

Ստորագրություն 

ԱՀ կրթության, գիտության, մշակույթի և սպորտի նախարարություն
Նախարար՝ Լուսինե Ղարաբանյան

Ստորագրություն 

Արցախի պետական համալսարան
Ռեկտոր՝ Արմեն Սարգսյան

Ստորագրություն 